

Headline	Kuala Lumpur, Selangor catat peningkatan permintaan		
MediaTitle	Harian Metro		
Date	14 Feb 2020	Color	Full Color
Section	Supplement	Circulation	112,705
Page No	PP42	Readership	338,115
Language	Malay	ArticleSize	311 cm <sup>2</sup>
Journalist	N/A	AdValue	RM 12,205
Frequency	Daily	PR Value	RM 36,615



## Kuala Lumpur, Selangor catat peningkatan permintaan

FOTO ZUNNUR AL SHAFIQ



PREMENDRAN dan David Mawer (kanan) ketika melancarkan portal 'Demand Analytic' 2019 baru-baru ini.

**Kuala Lumpur, Selangor, Pulau Pinang dan Johor** merekodkan jumlah carian tertinggi pembeli rumah pada tahun lalu. Ia didebakkan portal hartaanah iProperty.com.my.

Pengurus Besar Penyelesaian Data Pelanggan REA Group Asia, Pramendran Pathmanathan berkata, secara keseluruhan permintaan terhadap hartaanah di Kuala Lumpur turut mencatatkan peningkatan sebanyak 19.8 peratus.

"Susulan daripada peningkatan populasi penduduk di Kuala Lumpur, permintaan kediaman di Selangor turut bertambah 22.4 peratus pada tahun lalu.

"Jumlah peningkatan itu turut disumbangkan oleh peningkatan carian rumah jenis teres," katanya dalam

taklimat Trend Permintaan Hartanah Kediaman Sekunder Malaysia bagi tahun 2019, baru-baru ini. Hadir sama, Pengurus Besar iProperty.com.my David Mawer.

Katanya, terdapat peningkatan dari segi kunjungan unik untuk pencarian hartaanah di seluruh negara sepanjang tahun lalu, sekali gus menyokong laporan

bahawa sentimen pengguna meningkat.

"Namun, ia masih belum mencukupi kerana tidak bermaksud yang jika seseorang ingin membeli, maka individu itu akan

terus membeli kediaman berkenaan.

"Ia perlu diterjemahkan kepada transaksi dan ini bergantung kepada bekalan hartaanah sekunder yang ada di dalam pasaran, harganya dan juga lokasi hartaanah berkenaan," katanya.

Tambahnya, pada tahun lalu rumah teres, kondominium dan apartmen antara jenis rumah tertinggi yang dicari pembeli.

Mengulas lanjut, pada masa ini, sedang berlaku peralihan daripada pasaran pembeli ke pasaran penjual di negeri tertentu.

"Sebagai contoh di Johor, ia dilihat masih didominasi pasaran pembeli kerana mempunyai lambakan hartaanah sekunder di sana," katanya.

Beliau berkata, Kota Kinabalu kekal sebagai

bandar yang mendapat permintaan tinggi sehingga 24.72 peratus dalam kalangan pembeli.

"Ia diikuti Petaling Jaya sebanyak 22.13 peratus, Shah Alam (18.26 %) dan Kuala Lumpur (17.84 %)," katanya.

Menurutnya, nilai hartaanah yang menawarkan harga mampu milik sebelum ini mula menunjukkan peningkatan dari semasa ke semasa.

"Serembanumpamanya menawarkan hartaanah pada harga RM200,000 adalah satu pilihan menarik ditambah dengan beberapa faktor lain termasuk berhampiran dengan Lembah Klang.

"Keadaan ini menyumbang kepada peningkatan nilai hartaanah kepada 9.91 peratus," katanya.